

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

**po zahtjevu privrednog subjekta „AS Holding“ d.o.o. Tešanj,
o obavezi podnošenja prijave koncentracije**

Sarajevo
januar, 2020. godine



Broj: 01-26-7-022-1/19
Sarajevo, 23.1.2020. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05 , 76/07 i 80/09), a po Zahtjevu privrednog subjekta „AS Holding“ d.o.o. Tešanj, Industrijska zona Ekonomija bb Jelah, 74264 Jelah –Tešanj, na 63. (šezdesettrećoj) sjednici održanoj dana 23.1.2020. godine, donijelo je

MIŠLJENJE

Privredni subjekt „AS Holding“ d.o.o. Tešanj, Industrijska zona Ekonomija bb Jelah, 74264 Jelah – Tešanj (u daljem tekstu: Podnosilac zahtjeva ili AS Holding doo) podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) o obavezi podnošenja prijave koncentracije, zaprimljen dana 20.11.2019. godine pod brojem 01-26-7- 022-1/19.

Podnosilac zahtjeva u istom navodi:

- da je privredni subjekt AS Holding doo, društvo za korporativno upravljanje, osnovan dana 19.10.2016. godine, upisan u registar Općinskog suda u Zenici pod matičnim brojem 43-01-0572-16, sa vlasničkim udjelom fizičkih osoba: ¹(..)** u iznosu od (..)**% i (..)**u iznosu od (..)**%;
- da privredni subjekt AS Holding doo planira odpočeti preuzimanje (..)**% udjela u privrednom subjektu „AS“ d.o.o. Jelah – Tešanj (Trgovina na malo robama široke potrošnje, proizvodnja šećera, kafe, začina, keksa i pakovanje robe), koji je u (..)**% vlasništvu fizičkog lica, (..)**;
- da privredni subjekt AS Holding doo, također planira odpočeti preuzimanje udjela i dionica u povezanim, tj. zavisnim društvima privrednog subjekta „AS“ d.o.o. Jelah – Tešanj, u kojima isti ima većinsko vlasništvo, kako slijedi: „Oaza“ doo Tešanj u iznosu od (..)**%, KLAS d.d. Sarajevo u iznosu od (..)**%, Vemal d.d. Tešanj (..)**%, Svjetlostkomerc d.d. Sarajevo (..)**% i Gradska pekara doo u iznosu od (..)**%;
- da je fizička osoba (..)**, većinski vlasnik svih privrednih subjekata u grupi, obzirom da je (..)**% vlasnik privrednog subjekta „AS“ d.o.o. Jelah – Tešanj;
- da obrazložena transakcija predstavlja organizacijsko odnosno poslovno prestrukturiranje unutar grupe.

U skladu sa navedenim, Podnosilac zahtjeva traži mišljenje da li se opisana transakcija smatra koncentracijom u smislu Zakona o konkurenciji ("Službeni glasnik BiH", br. 48/05 , 76/07 i 80/09), odnosno da li je krajnji, tj. većinski vlasnik ovih privrednih subjekata u obavezi podnošenja prijave koncentracije, u smislu odredbi Zakona o konkurenciji.

¹(..)** podatak predstavlja poslovnu tajnu

Konkurencijsko vijeće u vezi obaveze prijave koncentracije navodi:

- Član 12. stav (1) Zakona o konkurenciji utvrđuje da se koncentracijom u smislu ovog Zakona smatra:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje;
- c) zajedničko ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisni privredni subjekt.

U skladu sa navedenim, smatra se da privredni subjekt „AS“ d.o.o. Jelah – Tešanj, tj. ciljno društvo opisane transakcije, nije nezavisni privredni subjekt nego povezano društvo privrednog subjekta AS Holding doo, tj. sticaoca u opisanoj transakciji, obzirom da se oba privredna subjekta nalaze u većinskom vlasništvu ((..)**% i (..)**%) iste fizičke osobe, (..)**.

Također se smatra da i ostali privredni subjekti u grupi, navedeni također kao ciljna društva opisane transakcije, nisu nezavisni privredni subjekti, već povezana odnosno zavisna društva privrednog subjekta „AS“ d.o.o. Jelah – Tešanj, uzimajući u obzir njihovu vlasničku strukturu.

S obzirom na sve naprijed navedeno, Konkurencijsko vijeće smatra, da opisana transakcija ne predstavlja koncentraciju u smislu člana 12. Zakona o konkurenciji tj. ne postoji obaveza prijave iste u smislu odredbi Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednica
mr. Arijana Regoda- Dražić